



Isalathiso: 20190819-8052  
Inombolo yefayili: 13/9/2  
Imibuzo: Z Isaacs

INGcaciso eMfutshane yeCandelo loLawulo lweeMviwo: 0008/2019

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela-Balawuli, kwiiNgcali zeMfundo eziziiNtloko, kwiiNtloko zoKunika iNkxaso kwiKharithulam, kuBacebisi beZifundo, kuBaphathi beeSekethe, kwiiNtloko zoLawulo noKuphathwa kwaMaziko, kumaSekela eeNgcali zeMfundo eziziiNtloko, kwiiNtloko zoKunika iNkxaso kuBafundi, kuBaqquzeleli beeMvavanyo neeMviwo, nakwiiNtloko zamaziko alungiselela abaviwa kwiimviwo zeSatifikethi seMatriki sikaZwelonke

**Isihloko: IiMviwo zeSatifikethi seMatriki sikaZwelonke (NSC) zango-2019: Ukuzaliswa kweemakhishithi ze-School-Based Assessment (SBA), eze-Practical Assessment Tasks (PATs) neze-Language Oral**

1. Le ngcaciso imfutshane mayifundwe kunye noMgaqo-nkqubo *National Policy pertaining to the Conduct, Administration and Management of the National Senior Certificate Examination*, opapashwe kwiZaziso zikaRhulumente 372 no-373 kwiGazethi kaRhulumente, Vol. 587, No. 37652 yomhla we-16 Meyi 2014, ne-*Curriculum Assessment Policy Statements (CAPS) ne-Regulations pertaining to the Programme and Promotion Requirements of the National Curriculum Statement*.
2. **Iimakhishithi zeSchool-Based Assessment (SBA), ezePractical Assessment Tasks (PATs) neze-Language Oral**
  - 2.1 Iimakhishithi ezivelisiweyo zeemvavanyo ze-SBA, ezePATs neze-Language Oral ziya kusiwa ezikolweni ungalulanga owe-**06 Septemba 2019**.
  - 2.2 Zisakuba zifunyenwe iimakhishithi, iinqununu maziqinisekise ukuba zifunyenwe zonke iimakhishithi zezifundo ezifunekayo kwizikolo zazo, ekubhalwe kuzo abaviwa ngesifundo ngasinye.
  - 2.3 Ezi makhishithi zezifundo zilandelayo aziyi kuthunyelwa ezikolweni kodwa ziya kusiwa ngqo kuBacwangcisi bezeKharithulam aBakhulu kwaNdlunkulu:

<b>Izifundo zobugcisa</b>	<b>Izifundo zepraktikhali</b>
<i>Electrical Technology:</i> <i>Digital Systems</i> <i>Electronics</i> <i>Power Systems</i>	<i>Dance studies</i> <i>Design</i> <i>Dramatic Arts</i> <i>Visual Arts</i> <i>Music</i>
<i>Mechanical Technology:</i> <i>Automotive</i> <i>Fitting and Machining</i> <i>Welding and Metal Work</i>	<i>Trinity Music</i> <i>Unisa Music</i>
<i>Civil Technology</i> <i>Civil Services</i> <i>Construction</i> <i>Woodworking</i>	

2.4 Kucelwa uqaphele ukuba uya kunikwa ikopi enye kuphela yemakhishithi nganye emayizaliswe. Kubalulekile kakhulu ke ngoko ukuba iikopi zeemakhishithi zenziwe zizikolo nangabacebisi bezifundo emva kokumodareyithwa kwazo yaye mazigcinwe esikolweni nakwisithili ukulungiselela iinjongo zeerekhodi.

2.5 Maziqinisekise izikolo ukuba iimakhishithi ziyazaliswa yaye zenziwe zifumaneke kubacebisi bezifundo ngosuku lokumodareyithwa kwazo. Ootitshala bezifundo mabazalise kuphela amanqaku angekamodareyithwa kwikholam ebhalwe "Mark".

2.6 Kuphela kusemva kokumodareyithwa kokugqibela kwesifundo ngasinye, apho kuya kukhutshelwa amanqaku amodareyithiweyo ngokuchanekileyo kwikholam ebhalwe "Mod" kwimakhishithi yeSBA ngabacebisi bezifundo.

2.7 Ukuba isikolo sifumana kuphela iimakhishithi ezivelisiweyo emva kokuba igqityiwe inqubo yokumodareyithwa kwazo, makwenziwe amalungiselelo afunekayo nabacebisi bezifundo ukulungiselela ukuzaliswa nokusayinelwa kweemakhishithi.

### 3. **Ukwabiwa kwamanqaku eSBA, ePAT naweLanguage Oral**

3.1 **Kufuneka** kwabelwe amanqaku umviwa ngamnye onombolo yoviwo yakhe ivelayo kwimakhishithi.

3.2 Oku makwenziwe nakubaviwa:

- ababegxothiwe okanye ababenqunyanyiswe okwethutyana esikolweni.
- abenze izicelo zokutshintsha iziko lokubhalela uviwo;
- abebengekho esikolweni ithuba elide apha enyakeni;
- abebengekho ngosuku lokumodareyitha;
- ababhalisele isifundo kwesinye isikolo okanye kwelinye iziko, umz iziko lobugcisa, okanye
- ababhaliswe njengabaviwa abaphindayo/aabaviwa abangesosigxina.

4. **Amanqaku angafakwanga eSBA, ePAT nawe-Language Oral (abaviwa abebengekho nabo bangenawo amanqaku eSBA, awe-PAT naweLanguage Oral)**

4.1 Ukuba umfundi akayenzanga **ikhomponenti okanye iikhomponethi** zeSBA, zePAT okanye eze-Language Oral apha enyakeni, yaye kunikwe **izizathu ezibambekayo**, umfundi makanikwe elinye ithuba lokuvavanywa kwimisebenzi ayinikiweyo okanye umfundi makangenise umsebenzi ongafakwanga phambi kokuqala kweemviwo zokuphela konyaka zokugqibela (**ungadlulanga owe-23 Oktobha 2019**). Apho kungenakwenzeka oku, **makangathathelwa** ngqalelo amanqaku alo khomponenti okanye ezoo khomponenti zeSBA, ezePAT kunye/okanye neze-Language Oral yaye awona manqaku maninzi, kule meko, makabalwe kwakhona kususelwa kwini eliseleyo lemisebenzi (makujongwe **kwiTheyibhile 1**).

**Theyibhili 1: Isizathu esibambekayo** (ikhomponenti zeSBA, zePAT neze-Language Oral yesifundo namanqaku omfundi):

	Ikhomponenti 1	Ikhomponenti 2	Ikhomponenti 3	Ikhomponenti 4	Ikhomponenti 5	Ikhomponenti 6	Ikhomponenti 7
<b>Amanqaku Amaninzi</b>	5	5	30	20	40	40	40
<b>Umfundi</b>	4	Ayenziwang a (Kunikwe isizathu esibambekayo)	16	Ayenziwang a (Kunikwe isizathu esibambekayo)	20	15	12

$$\begin{aligned} \text{Amanqaku eSBA} &= (4+16+20+15+12)/(5+30+40+40+40) \\ &= 67/155 \\ &= 43\% \end{aligned}$$

4.1.1 **“Isizathu esibambekayo”** kule meko, sibandakanya oku kulandelayo:

- ukugula, okuxhaswa sisatifikethi sokugula esisemthethweni, esikhutshwe ligosa lezonyango elibhalisiweyo (*registered medical practitioner*);
- izizathu eziphenjelelwa luvulwano lobuntu ezibandakanya ukusweleka kwelungu losapho elisondeleyo kumviwa okuxhaswa sisatifikethi sokusweleka.
- umfundi oya kuvela enkundleni yamatyala, yaye oko makuxhaswe bubungqina obubhaliweyo; okanye
- nasiphi na esinye isizathu esinokwamkelwa njengesizathu esisemthethweni yintloko yovavanyo okanye ngummeli wayo.

4.1.2 Ubungqina bezo zizathu zibambekayo mabubandakanywe kubungqina bendlela umfundi aqhuba ngayo ngethuba leeseshoni zokumodareyitha.

4.2 Ukuba umfundi akaphumeleli ukwenza **ikhomponenti** okanye **iikhomponenti** zeSBA, ezePAT neze-Language Oral, kungekho **sizathu sibambekayo**, umfundi makawungenise umsebenzi ongenziwanga phambi kokuqala koviwo lokuphela konyaka (**engadlulanga uLwesithathu we-23 Oktobha 2019**). Ukuba oku akunakwenzeka, umfundi makanikwe amanqaku anguziro "0" kulo khomponenti okanye kwezo khomponenti zeSBA, ezePAT neze-Language Oral. Ngokwale meko, amanqaku angawona maninzi mawabalwe njengoko kubonisiwe apha ngezantsi (makufundwe i**Theyibhile 2**).

**ITheyibhili 2: Akukho sizathu sibambekayo** (iikhomponenti zeSBA, ezePATs neze-Language Oral yesifundo namanqaku omfundi):

	Ikhomponenti 1	Ikhomponenti 2	Ikhomponenti 3	Ikhomponenti 4	Ikhomponenti 5	Ikhomponenti 6	Ikhomponenti 7
<b>Amanqaku Amaninzi</b>	<b>5</b>	<b>5</b>	<b>30</b>	<b>20</b>	<b>40</b>	<b>40</b>	<b>40</b>
<b>Umfundi</b>	4	Ayenziwang a (akukho sizathu sibambekayo sinikiweyo)	16	Ayenziwang a (akukho sizathu sibambekayo sinikiweyo)	20	15	12

$$\begin{aligned} \text{Amanqaku eSBA} &= 4+0+16+0+20+15+12)/(5+5+30+20+40+40+40) \\ &= 67/180 \\ &= 37\% \end{aligned}$$

4.3 Makugxininiswe kwezi meko-bume (*scenarios*) zilandelayo ngokumalunga nokuzaliswa kweemakhishithi:

4.3.1 Apho umviwa engakhe agqibe **nayiphi na imisebenzi**, kodwa kube kunikwe **isizathu esibambekayo**, faka u-"999" kwimakhishithi. Ubungqina besizathu (besizathu) esibambekayo mabunikwe abacebisi bezifundo ngethuba leseshoni yokumodareyitha yaye mabugqithiselwe kwiCandelolo Lawulo leeMviwo

Okuthethwa ngu-"999":

- Umviwa uya kufumana **iziphumo ezingaphelelanga** nkqu nokuba abhaliwe amanye amaphepha oviwo.
- Umviwa uya kunikwa **iinyanga ezintathu emva kokukhutshwa kweziphumo** zokuba angenise amanqaku e-SBA kunye/okanye awe-PAT/*Language Oral*. Ezi ziphumo mazingeniswe ngabacebisi bezifundo kwiCandelo loLawulo lweeMviwo ungadlulanga owe-**08 Matshi 2020**. Ukungaphumeleli ukungenisa amanqaku angafakwanga e-SBA, ePAT kunye/okanye nawe-*Language Oral* lingadlulanga ixesha elisikiweyo, kuya kuba nesiphumo sokuba umviwa asiphinde isifundo siphela.

4.3.2 Apho umviwa engakhange agqibe nayiphi na imisebenzi, kodwa kube kunganikwanga sizathu sibambekayo, faka u-“444” kwimakhishithi. Umviwa ololu hlobo uya kufumana iziphumo ezingaphelelanga yaye makasiphinde isifundo siphela.

4.3.3 **Zonke izilungiso kwizifundo ziya kuthathwa njengezitenxo.** Makufakwe u-“888” kwikholam yamanqaku uze ungenise ingxelo ebhaliweyo enezizathu ezivokothekileyo nobungqina (Iripoti yesikolo yeKota 1 yeBakala 11 okanye eyeBakala 12) kunye nefom **yesiHlomelo A** ezaliswe ngokupheleleyo. Isigqibo malunga neziphumo zomviwa ziya kuthathwa yiNtloko yezeMfundo. **Aluyi kuvunyelwa utshintsho kwizifundo.**

5. **Abaviwa abanezithintelo zokuthetha kunye/okanye zokuva**

Abaviwa abanezithintelo zokuthetha kunye/okanye zokuva, kufuneka endaweni yamanqaku e-*orali*, bafumane amanqaku ngokomlinganiselo osuselwa kumanqaku abawafumane kumsebenzi obhalwayo kwiimviwo zangoJuni nangoSeptemba 2019.

6. **Umsebenzi oluxanduva lweenqununu malunga nokuzaliswa kweemakhishithi**

Iinqununu maziqinisekise ukuba bonke abaviwa beNSC kwizikolo zabo bawanikiwe amanqaku afunekayo e-*SBA*, e*PAT* nawe-*Language Oral*. Iinqununu maziqinisekise imakhishithi emva kokuba izalisiwe ngutitshala ukuqinisekisa ukuthotyelwa kwemiqathango ekule ngcaciso imfutshane.

7. **Umsebenzi oluxanduva lwabacebisi bezifundo malunga nokumodareyithwa kweemakhishithi.**

Abacebisi bezifundo bathwele uxanduva ngokupheleleyo lwenkqubo yokumodareyithwa kweekhombenti ze*SBA*, eze*PAT* neze-*Language Oral* kwakunye nokuqinisekisa ukuthotyelwa kwemiqathango malunga nokumodareyithwa, ukuzaliswa kweemakhishithi namanqaku angafakwanga.

Iimakhishithi okanye iifom zesiHlomelo A **aziyi** kwamkeleka kwiCandelo loLawulo lweeMviwo ngaphandle kokuba zisayinwe ngutitshala, yinqununu nangumcebisi wezifundo.

8. **Umhla wokubuyiswa kweemakhishithi:**

Abaququzeleli bovavanyo neemviwo mabaqinisekise ukuba iimakhishithi ezalisiweyo zifika kwiCandelo loLawulo lweeMviwo ungalulanga owe-**31 Oktobha 2019**.

9. **Amanqaku angafakwanga e-*SBA*, *PAT* nawe-*Language Oral***

Ziyacelwa iinqununu ukuba **zingabathumeli abaviwa abanamanqaku angafakwanga** eSBA, awePAT nawe-Language Oral ngqo kwiSebe leMfundo leNtshona Koloni (WCED) emva kokukhutshwa kweziphumo. Inkqubo echanekileyo yokuqhagamshelana neSebe iWCED malunga namanqaku angafakwanga e-SBA, awePAT nawe-Language Oral, kukuqala kugqithwe kwi-ofisi yesithili echaphazelekayo.

10. Ziyacelwa iinqununu ukuba zibanike ikopi yale ngcaciso imfutshane bonke abaququzeleli nootitshala beBakala 12 .

**ISAYINWE:** NGU-PAD BEETS

**USEKELA MLAWULI-JIKELELE WEKHARITYHULAM NOLAWULO LOVAVANYO**

**UMHLA:** 2019-08-28



ANNEXURE A

Candidates listed on this form will be treated as IRREGULARITIES – NSC 2019

Kandidate wat op hierdie vorm gelys is sal as ONREËLMATIGHEDE hanteer word – NSS 2019

SUBJECT CORRECTIONS (attach a copy of the Grade 11 or Grade 12 Term 1 school report as evidence for each candidate)

VAKREGSTELLINGS (heg as bewys 'n afskrif van elke kandidaat se graad 11- of graad 12- kwartaal 1-skoolrapport aan)

SCHOOL/SKOOL: \_\_\_\_\_

CENTRE NO/SENTRUM NR.: \_\_\_\_\_

CANDIDATE NUMBER / KANDIDAAT SE NOMMER	SURNAME, FIRST NAME(S) / VAN, VOORNAAM / VOORNAME	DATE OF BIRTH / GEBOORTEDATUM	INCORRECT SUBJECT / VERKEERDE VAK	CORRECT SUBJECT / KORREKTE VAK	PAPER / VRAESTEL	MAX MARK / MAKS. PUNT			MODERATED MARK / GEMODEREERDE PUNT			
		<b>TEACHER/ONDERWYSER</b>		<b>PRINCIPAL/PRINSIPAAL</b>			<b>MODERATOR</b>					
<b>NAME (PRINT) / NAAM (DRUKSKRIF)</b>												
<b>SIGNATURE / HANDTEKENING</b>												
<b>DATE SIGNED / DATUM VAN ONDERTEKENING</b>												